

## **ПАО «ГМК «Норильский никель» да ичот лыда вужвойтыркөд өта-мөд костын политика боксянь йитчөм серти дженьыд сюрөс.**

Ичот лыда вужвойтыркөд өтувья уджалан политика (водзö - Политика) индö тшöктöмьяс ПАО «ГМК «Норильский никель» (водзö - Котыр) да войвывса ичот лыда вужвойтырьяслөн өтувья уджö, урчитö лыддьöг да сёрсьөн-бёрсьөн уджалан ног уна пöлөс лоомторьяс серти ичот лыда вужвойтырьяскöд өтувья уджын либö сэтчöс муяс вылын, вөр-ваын, мый вермас инмыны дзоньвидзлунлы, культура, оласног да налөн угоддьöясын быд лунся водитчöмö. Политика урчитö уджалан ног, мый серти водзвыв оз сет позянлун лоны верманаөн лөкмöдны, чинтыны ичот лыда вужвойтырьяслысь (водзö - вужвойтырьяс) оланног.

Политикаын кык юкөн – ачыс политика да политикасö олөмö пöртöмног. Тайö кабалаас пасйöма дженьыда медшöрыс, политика дзонь гижöднас позьö тöдмасьны Таймыр да Мурманск кытшса оланіньяса веськөдлан администрациясын, сідз жö электроннöй кабала ыстысьсö «КМНСОЮЗ» Вужвойтыркостса өтйöза котырөн да вужвойтырьяслөн котырьясөн.

Политика вынсьöдö аслас Котырлысь вужвойтырьяслөн инöдьяс доньялөм российскöй оланпастэчас серти, войтыркостса да отраслевöй видлөгьяс серти. Политика кыв шутöг колана Котырын став уджалысьяслы, отсаян юкөньяслы, мукöд ичөтджык Котырлөн юкөньяслы, подрядчикьяслы да субподрядчикьяслы.

Тайö Политика серти Котыр уджалö Россия Федерацияса торья ичот лыда вужвойтырьяскöд: ненечьяскöд, энечьяскöд, долганаяскöд, нганасаньяскöд да эвенкьяскöд Красноярск крайса Таймыр Долгано-Ненеч меставывса асвескөдланын да Мурманск обласьтын саамьяскöд. Политика паскөдчö коми да ненеч көр видзысьяс вылö Мурманск обласьтын.

Политика торйөн пасйö Котырлысь водзмöстчöмсö аслас öнья да водзö вылö инвестиционнöй да операционнöй уджалöмын вужвойтырьяслысь олөмсö торкөмтöг уджавны. Оз кө артмы уджсö вöчны торкөмтöг, сэки Котыр кутас вöчны ставсö, мед ичөтмöдны да чинтыны омöль боксянь мывкыдсьöдөм вужвойтыр вылö, зия тöдчөдөмөн сөстөм гөгөртас боксянь, социально-экономическöй, культурнöй, пытшкөсса өтувьялун, дзоньвидзалун да видзчысянлун бокьясьянь.

Политика подулö путöма шöр юрподувьяс:

- вужвойтырьяслысь асшөр да өтсöгласа өтүв инöдьяс признайтөм
- вужвойтырьяслысь асшөр верктуй сөвмөдөм признайтөм
- вужвойтырьяслысь вөр-ва да антропогеннöй мывкыдсьöдөм вылö слаб аслыспөлөслун признайтөм
- вужвойтырьяслысь право пырöдчыны налы инмана кывкөртöдьяс видлалігөн признайтөм
- вужвойтырьяс увтыртөм дугөдөм
- вужвойтырьяскöд өткодь инöда вежавидзöдана сёрнитчөм да дыр кадся өтвылысь уджалөм

- вичмөдны вужвойтырлы стөча лөсялана видзас өта-мөдкөд өтувья удж вылө.

Котыр быть вылө көсйысьё пыртны уджө тэчасьяс, код серти вужвойтыр вермасны участвуйтны кывкөртөдьяс вынсьөдігөн, на пөвстын:


**Колана выдзчысяна индөм уджъяс.** Муяс вылын, көні вужвойтыр олөны да асланыс овмөс нуөдан ног уджалөны, Котыр кутас гөгөрбок донъявны вермана воштөмьяс став инвестициясысь да быдпөлөс удж нуөдөмысь, сы лыдын лөкмөдан позянлунсө гөгөртас вылө да социокультурной нырвизь вылө өта-мөдлы лөсялана ногөн донъялөмөн. Уджавны заводитөм водзын, вужвойтыркөд туйдөдөмөн, Котыр кутас төдмавны, кутшөм ыжда төдчөмьяс вермасны лоны, стөчмөдны, инмас кутшөм войтырьяслы да налөн өтув чукөрьяслы либө вужвойтырлөн организацияслы.

**Вужвойтырьяскөд өтув уджалөм серти Уджтас дасьтөм.** Балаяс олөмө пөртгөн, вужвойтырьяслөн олан да ашөр овмөс нуөдана муясын Котыр кутас лөсьөдны вужвойтырьяскөд өтувья уджалан серти Уджтас, гөгөртас да социокультурной нырвизь вермана төдчөм донъялөм вылө мыджсьөмөн. Уджтас лөсьөдчө вужвойтырьяскөд туйдөдөм вылө мыджсьөмөн да вөййө могьяс, мед видзчысьны, чинтыны да ичөтмөдны лекторйө мывкыдсьөдөм, сідз жө Уджтас олөмө пөртөм серти мониторинг да вештысьөм сысысь, лоө кө коланлуныс таын.

**Восьса, водзвыв да гөгөрвоана өткывьясьөм юрподув олөмө пыртөм (водзө - СПОС).** Вужвойтырьяслөн инөдьяс лоасны кө төдчана ногөн вөрзьөданаөн, Котыр олөмө пөртө водзвыв лөсьөдөм инвестицияс да вөчөмторьяс сөмын сэки, кор вужвойтырьяс либө налөн өткотырьяс кырымалөны СПОС. Юрподув төд вылө босьтө тырвуйө да водзвыв юөртөм, бур туйдөдөм нуөдөм, вужвойтырлысь видзөдлас кывзөм да ас вөляа вынсьөдөм помшуөмьяс донъялөм. Вужвойтырьяс вермөны сетны либө сетлытөг кольны ассыныс сөглас, сетны сөглас стөча сөрнитчөмөн либө бөр корны сөгласнысө, Котыр кө оз ставсө вөч водзвыв сернитчөм ногөн.

**Кывкутөмөн сөрнитчөмьяс нуөдөм.** Котыр нуөдө сөрнитчөмьяс да туйдөдөмьяс вужвойтырьяскөд, налөн өткотырьяскөд, общинаяскөд да социальной юкөньяскөд, кодьяс веськалөны инвестиционной да операционной Котырлөн удж нуөдөм улө. Сернитчөмьяс нуөдчөны өта-мөд дорө өткодь инөдьяс серти, вужвойтырьяслөн аслыспөлөслун да шуөмьяс вынсьөдөм дорө пыдди пуктөмөн. Та дырйи төждысьөм вичмөдсьө вужвойтырьяслөн төдөмлуньяс да позянлуньяс паськөдөм вылө да юөр эрдөдөмлы, сідз жө вермөны вежсыны кыкнан боксянь заводитан видзөдласьяс.

**Элясьөмьяс видлалан тэчас.** Котыр могмөдө пырся да восьса уджаланног ашөрлуна тэчаслысь элясьөмьяс видлалөм серти – омбудсмен, коді артмөдчө вужвойтырьяскөд туйдөдөмын. Тэчас төд вылө босьтө, подулалө да вайөдө элясьөмьяс да вөййөмьяс Политика олөмө пөртөм йылысь Котырлөн колана уджалан юкөньясөдз, тшөтш мукөд торьяс йылысь, найө кө инмөны вужвойтырьяслы. Тэчас вермас вөййыны Котырлы вензьөмьясысь петөм серти колана воськовьяс, сөмын бөрья шуөмсө вынсьөдө ачыс Котыр. Тэчаслөн эм позянлун апелляция вылө.



**Выгода юклём тэчас.** Вужвойтырьяскөд туйдөдөмын, Котыр лөсьөдө выгөда юклём тэчасьяс, сэтчө пыртөдөма вештысьөм лекторья мывкудсьөдөмысь да вужвойтырьяслы зумыд сөвмөм вылө инвестицияс. Котырлөн Политика водзмөстчө вужвойтырьяслөн социально-экономическөй сөвмөм отсөг сетөм вылө налы колана верктуйын. Политика урчитө туйдөдөмьяслысь тэчасьяс артмөдчөмьяс лөсьөдөм йылысь, адреснөй отсөг сетөм йылысь, сьөмөн да технической отсөг сетөм йылысь котырьяслы, общинаяслы, ичөт уджаніньяслы, да вужвойтырьяслөн өтувьяслы. Политика сетө подув Котырлы отсавны содтыны вынйөр котырьяслы, общинаяслы, да вужвойтырьяслөн өтувьяслы сийө областьясын, кодьясөс найө лыддьөны медся коланаөн.

**Мониторинг, отчөт да сьөм серти аудит.** Вужвойтырьяскөд туйдөдөмьясын Котыр кадысь-кадө котыртө ашшөрлуна мониторинг да Политика олөмө пөртөм серти доньялөм.